

۳۰ اغستوس سنه ۱۳۲۶

۸ رمضان سنه ۱۳۲۸

بازار ایرتسی

## جمعیت علمیة اسلامیه نك ناشر افکاریدر

مدیر مسئول :  
مکتب قضاة معلملرندن  
کلیسی منیر

سر محرر :  
فاتح مجیز درسعاملرندن  
توقاد مبعوثی  
مصطفی صبری

صاحب امتیاز :  
فاتح مجیز درسعاملرندن  
استانبول مبعوثی  
مصطفی عاصم

### مندرجات


|                                      |                                             |
|--------------------------------------|---------------------------------------------|
| ادبیات                               | وعظلمرئزندن مأمورلرک اوصافی حقنده . . . . . |
| شکوفه بهارستان . . . . . طاهرالمولوی | تاریخ اسلام صحائفندن . . . . . طاهرالمولوی  |
| نصیحت ملزمانه . . . . . ع . خیری     | مقدمه . . . . . ع . خیری                    |
| نظیره . . . . . سعودالمولوی          | الحکمة ضالة . . . . . شرف الدین             |
| غزل . . . . . سعودالمولوی            | تیاثرو لر . . . . . م . صفوت                |
|                                      | مشرق عرفان غزته سندن . . . . .              |



### نسخه سی ۱ غروشدرد آبونه اجرتی ( پوسته اجرتیله برابردر )

مالک اجندیه ایچون :  
۲۰ ، ۶۰ فرانق  
» ۱۰ ، ۳۰


استانبول ولایات ایچون :  
بر سنه لکی ۶۰ غروش  
النی آیلنی ۳۰ »



### درج اولنیمان اوراق اعاده ایدلمز

### قارئلرمنزه

اکثر مقالاته آیات کربیه واحادیث نبویه درج ایدلمش بولندیقی نظراعتباره آلنه رق رعایتسزلکده بولنلاماسی رجا اولنور .



### درسعادت

محمود بك مطبعه سنده طبع اولمشدر

شو ایکی بیتی ده مشهوردر :  
مرا بهره دوچیز آمد زکی  
دل پاک وزبان مدح کستر  
یکی بر مهر جانان وقف کردم  
یکی بر مدح شاهنشاه کشور  
مالی :

قلب صافی ولسان ماح اوایق اوزره جهانندن ایکی  
شیئه مانک اولاییلمشدم . بوناردن برینی جانانک محبتنه ،  
دیگری پادشاهک مدح وثناسنه وقف ایتم .

عنصری اقرانی شعرادن اولوب سلطان محمودک  
حضورنده فردوسی به بیله تقدیم ایدن و ۴۳۲ ده ارتحال  
دار بقا ایله این ( منو چهری دامغانی ) نک :

ای نهاده بر میان فرق جان خویشتن  
جسم مازنده بجان و جان تو زنده بتن  
بیتمیله مصدر بر قصیده سی واردر اوراده « اساتید  
عصرک استادی اولان عنصری که ، عنصری معاییدن  
آزاده ، قلابی حیل و خدعه دن ساده ، دینی مکر و فتنه دن  
وارسته در » مألنده اولمق اوزره :

اوستاد اوستادان زمانه عنصری  
عنصرش بی عیب و دل بی غش و دینش بی فتن  
مدحیه سیله قدر عنصری تحبیل ایدیلشدر .

ظاهر المولوی

اون بش سنه اول یازلمش خطابیات وطنپروراندن :  
- مخاطبم خاقان مخلوع ابدی -

— ۲ —

نصیحت ملزمانه

تنزل ایتمه اولیه هرکسه امداد لازمه  
همان مردانه طاوران هرایشکده داد لازمه

حکومت آره سنده بر صورت دائمده جایگیر اولمی  
مطلوب و ملتزم بولنان حسن معاشرت و مطاوعی اخلاص  
سببیت و یرمسی ملحوظ اولان بوکی احواله میدان  
ویرلامسنی داخلیه نظارتک نظر دقنه عرض ایده رز .



## ادبیات

### شکوفه بهارستان

مابعد

ایسات آتیه سی ده ( خرابات ) ده مندرج بر  
قصیده سندنر :

بوقی که کرد سواران براید  
بیوشد زمین و بجوشد معسکر  
تو آنجا چنان باشی ای شاه کیتی  
که باشد میان کوزنان غضنفر  
ز پیلان چنکیت کر وصف کویم  
ندارد خردمند نادیده باور  
نه چرخند لیکن همه چرخ کردش  
نه کوهند لیکن همه کوه پیکر  
مالی :

وقتیکه سواریلرک قالدیردقلری توزدن زمین  
اورتولور ، اردوگاه دالغالانیر . ای شاه جهان ! سن  
اوراده دشمن عسکرینه هجوم ایتدیکه ییسان اوکوزلری  
آراسنه کیرمش آراسلانی آندیررسک . جنکی فیللرکی  
ناصیل توصیف ایده می که اولری کورمه ییلر نه سویله سم  
سوزمه اینانما یا جقلردر .

فیللرک واقعا فلک دکلردر . لیکن سیر و حرکته  
چرخ نواره مشاهدلر . حقیقته طاغ دکلردر . فقط  
عظمت جنه ده جبال رفیعیه بکزرلر .

یدقه‌ار قدرت کوز آچینجه قهر خصم ایلر  
 خدادن ایت بلایه قارشى استعداد لازمه  
 نه‌رتبه دهشت انداز اواسه خصمك هر هجومنده  
 متانت کوستر ایتمه ، ایلک فریاد لازمه  
 چکیمه دشمنك طاغ اولسه‌ده ترك خود ایله  
 حقوقك پنجه غصبیدن استرداد لازمه  
 هنرله معرفت اصل الاصول آدمیتدر  
 چالیش تحصیل فقه محو استعداد لازمه  
 او یوبده نفسکه ذره قدر ترویج ظلم ایتمه !  
 سن اولمقدن حذر ایت قان ایچر جالاد لازمه  
 براق خونخواری بی ؛ خلق پمیرله تخلق ایت  
 صباح حشره‌دك رحمت او‌قور افراد لازمه  
 عدالت کوستر ، اتعاب رعایادن کچ آرتق کچ  
 فضای نور ایچنده تربیه کی بنیاد لازمه  
 صلابت کوستر ، اطفای شریعتدن کچ آرتق کچ  
 اکر نور خدایی سوبسو ایقاد لازمه  
 چالیش ترفیه خلقه . اعین اعیان ملتده  
 الی یوم‌القیامه نامکی اصعاد لازمه  
 نهایت مرتبه شایسته تلمین عالمسک  
 فداکاران اسلامیتی ابعاد لازمه  
 مرجع‌حدر رذیلانه حیاته موت مردانه  
 براق او‌هامی نیل مسلك اجداد لازمه  
 براق آچاققانی مالیه‌بی اسرافدن واز کچ  
 غنای ملکه باری برکوزل ایراد لازمه  
 حذر قانون انسانیتی الدن براققدن  
 کتاب‌اللهه باق برشیشه استشهاد لازمه  
 نیچون احلاف امت غرقه اقبال دورکده  
 سکا‌کر اعتلای اهل استعداد لازمه

نه‌دندر ؟ کیتیمورسک شاهراه دین اسلامه  
 سنی اعلایه بادی رهبر ارشاد لازمه  
 نیچون جبل متین اتحادی قطعه ساعیسک  
 اکرچه قوص قوجه برملتی اصعاد لازمه  
 نه‌دندر ؟ او ییقانلر معتبردر نزد وفاقکده  
 بوملکک هریرنده برنشاط آباد لازمه  
 تقیض بکلیرمی سویله خائن برزمان سندن  
 شفیق وعزت و تحسیندن استر شاد لازمه  
 دکدر قلب طاهر ، قلب ناپاکک بیله کافی  
 بتون افعالکی تقبیح ایچون اشهاد لازمه  
 اینان هر نه ایشیتسهک اشتباهه دشمنه سن آنجق  
 صلاح نفسک ایت برحالی استبعاد لازمه  
 سراپای مساوی‌بی خلاصه‌سندن او‌کرنسون  
 فساد و ملعتنده شیطان‌ه استاد لازمه  
 نصوح افندی زاده :

ع . ضیری

یکی قبو مولوی‌خاصی شیخ بزرگوارى رشادتلو عبدالباقی  
 دده افندی حضرتلرینک بر غزل عارفانه‌لرینه :

### نظیره

یارک نهفته طلعتی زیر نقابده  
 ارباب عشق و شوق بتون اضطرابده  
 بر مقصد مقدس ایچون های و هوده‌در  
 اسلام و کبر و کافر خاه خرابده  
 روشندلان اهل نظر او‌مدیغن بولور  
 دارالصنمده ، کعبه‌ده ، هر جای و بابده